



Pou Piblikasyon Imedya: 08/09/2023

GOUVÈNÈ KATHY HOCHUL

GOUVÈNÈ HOCHUL ANONSE 7.7 MILYON DOLA POU SIPÒTE DEVLOPMAN MENDEV NAN ZAFÈ ADIKSYON ATRAVÈ NOUVO PWOGGRAM BOUS DETID

Finansman an pral sipòte pwogram inovatè nan kat fakilte medsin nan Eta New York

Gouvènè Kathy Hochul te anonse jodi a yo pral distribiye plis pase 7.7 milyon dola nan finansman atravè [Biwo Sèvis ak Sipò pou Adiksyon Eta New York](#) (New York State Office of Addiction Services and Supports, NYS OASS) pou sipòte yon nouvo pwogram devlopman mendèv ak bous detid nan kat fakilte medsin atravè Eta New York. Inisyativ fòmasyon inovatè pou mendèv nan zafè adiksyon sa a pral sipòte 83 bousye Eta New York ki gen eksperyans nan swen sante pwofesyonèl pou jwenn fòmasyon ak devlopman edikatif pou pi byen satisfè bezwen Nouyòkè ke adiksyon afekte.

"Nan diskou sou Sityasyon Eta 2023 mwen an, mwen te dekri angajman nou pran pou sipòte Nouyòkè k ap lite kont adiksyon yo atravè eta nou an atravè envestisman konsiderab nan rediksyon danje, prevansyon ak pwogram sipò tretman", **Gouvènè Hochul te deklare**. "Pandan pwofesyonèl medikal yo ap etidye maladi adiksyon, li se yon obligasyon pou nou bay fòmasyon pwofesyonèl apwopriye ki nesesè pou pi byen sèvi popilasyon sa a".

Pwogram sa a pral pèmèt etidyan medsin yo, pwofesyonèl medikal aktyèl yo, ak sèten travayè eta a antre nan pwogram bous detid la nan pran an chaj alokasyon yo (oswa salè) ak benefis yo, epi li pral sipòte tou devlopman kourikoulòm, ansèyman, ak sipèvizon bousye yo. Pwofesyonèl adiksyon ki enskri yo pral jwenn eksperyans nan plizyè anviwònman prevansyon, tretman, rediksyon domaj, ak rekiperasyon.

Chak nan benefisyè ki nan lis anba a pral resevwa finansman atravè Sibvansyon Siplemantè Prevansyon ak Tretman Toksikomani, ki kouvri aplikasyon pwogram nan pou de ane:

- SUNY Upstate Medical University - 3,562,691 dola
- New York University Grossman School of Medicine - 2,397,908 dola
- Albert Einstein College of Medicine - 921,833 dola

- The Research Foundation for the State University of New York nan non University at Buffalo Jacobs School of Medicine and Biomedical Sciences - 864,627 dola

Bousye ki enskri yo pral reprezante pwofesyon swen sante sa yo: doktè, etidyan medsin, enfimyè lisansye, doktè asistan, travayè sosyal lisansye, terapet okipasyonèl, pwofesyonèl sante mantal lisansye, sikològ, Konseye sou Alkowolis ak Toksikomani ki Gen Kalifikasyon (Credentialed Alcoholism and Substance Abuse Counselors, CASAC) yo, Pwofesyonèl pou Prevansyon ki Gen Kalifikasyon (Credentialed Prevention Professionals, CPP) yo, Espesyalis sou Prevansyon ki Gen Kalifikasyon (Credentialed Prevention Specialists, CPS), ak Konpayon Defansè pou Retablisman ki Sètifye (Certified Recovery Peer Advocates, CRPA) yo.

Komisè Biwo Sèvis ak Sipò pou Adiksyon (Office of Addiction Services and Supports, OASAS) Eta New York la, Doktè Chinazo Cunningham, te deklare, "Elaji ak amelyore mendèv nan adiksyon an se yon pati enpòtan nan efò OASAS ap fè pou sipòte kontinwite sèvis konplè atravè eta a. Pwofesyonèl sa yo fè travay enpòtan chak jou pou ede Nouyòkè adiksyon te afekte. Nouvo pwogram bous detid inovatè sa a pral ede travayè sèvis nan adiksyon nan plizyè disiplin resevwa fòmasyon enpòtan ak lòt devlopman pwofesyonèl, ki pral benefisyé moun ak kominote yo atravè eta a".

Lidè Majorite Sena a, Charles Schumer, te deklare, "Kriz opyoïd la kontinye retire lavi twòp Nouyòkè chak jou. Youn nan pi bon fason pou konbat kriz sa a se asire kominote nou yo gen resous ak pwofesyonèl sèvis nan adiksyon pou asire popilasyon ki pi vilnerab nou yo gen sipò yo bezwen. Mwen fyè pou m ede bay yon ogmantasyon federal 7 milyon dola pou ede elaji mendèv swen sante nou yo ak pwogram fòmasyon sèvis pou lit kont adiksyon nan fakilte medsin yo atravè New York".

Reprezantan Adriano Espaillat te deklare, Manm Kongrè Adriano Espaillat te deklare: "Adiksyon te touche lavi twòp Nouyòkè, epi nou dwe asire ke resous, ki gen ladan finansman pou pwogram prevansyon, yo atribiye yon fason ekitab atravè eta nou an pou sipòte fanmi ak moun ki pi afekte yo".

Reprezantan Paul Tonko te deklare, Manm Kongrè Paul Tonko te deklare: "Nou dwe itilize tout resous ki disponib pou nou adrese epidemi ovèdòz la, epi elaji ak fòme pwofesyonèl swen sante lavni nou yo pou pèmèt yo pi byen pran swen moun ki gen difikilite ak adiksyon se yon aspè kle nan efò sa a". "Mwen fyè de travay mwen pou garanti finansman federal sa a atravè Sibvansyon Global Siplementè Federal pou Prevansyon Tretman Toksikomani epi mwen rekonesan anvè moun k ap asire swen konplè, avèk konpasyon pou moun nan kominote New York nou yo ki plis bezwen li".

Senatè Eta a, Nathalia Fernandez, te deklare, "Moun k ap travay nan mendèv sèvis lit kont adiksyon yo esansyèl kòm premye liy nou an nan batay kont pwoblèm itilizasyon sibstans. Se poutèt sa li enpòtan anpil pou nou atire plis moun ki gen talan nan pòs sa yo. Mwen kwè pwogram bous detid sa a pral fè sa. Mwen espere ke nou pral ofri plis

sipò tou bay moun ki nan mendèv la kounye a pou yon amelyorasyon yo byen merite sou kalite yo pou travay yo ki de pli zan pli enpòtan".

N ap jwenn tretman pou adiksyon ki disponib yo, ki gen ladan swen pou kriz/dezentoksikasyon, swen malad ki entène yo, swen rezidansyèl, oswa swen pou pasyan ekstèn, lè nou itilize Tablodbò Disponibilite Tretman OASAS NYS la nan FindAddictionTreatment.ny.gov oswa atravè [sitwèb OASAS NYS la](#). Si oumenm, oswa yon pwòch ou, te eksperimente obstak nan asirans ki gen rapò ak tretman oswa bezwen pou ede depoze yon apèl pou yon reklamasyon yo te refize, kontakte liy èd CHAMP an pa telefòn nan 888-614-5400 oswa pa imèl nan ombuds@oasas.ny.gov.

Nouyòkè yo ki gen difikilte avèk yon adiksyon, oswa yon pwòch ki gen difikilte, ka jwenn èd ak lespwa lè yo rele liy telefòn gratis Eta, HOPEline 24 èdtan, 7 jou pa semèn nan 1-877-8-HOPENY (1-877-846-7369) oswa lè ou voye tèks HOPENY (Kòd Kout 467369).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)